





پیشتر

رکاشره دلیله

۴۹۹







۱۲۸۲

پوشہ تہ

(کاشہ دلیہ)

۳

پبلشرز
لالہ رخ مطبوعات سری نگر

قیمت
۴

(چھاپ دسمبر ۱۹۵۵ء)



Handwritten text in Urdu script, likely a title or subject line, appearing as "تاریخ و تمدن" (History and Civilization).

Handwritten text in Urdu script, likely a date or reference number, appearing as "۱۳۰۲" (1302).

کٽه منز کٽه

په ڇه پراڻ مثال زه کٽه منز ڇه کٽه نيران - ته زن گو، يله انسان نڀين
خاص حالاتن منز کنهه وڃهان يا کران ڇهو - هيور بون، سون وڳون، آده په
کنڀر شاه سپدان ڇهو، پيم ساري حالات ڇهو ٿر هان بيس ته ون ته بوز ناون - هرگاه
نيزه پز رڄ کٽه وڃهن يا بوزن، تيله ڇهو رنگه روغنه روستوي ابي وڃهان ته
تي وٺان - نه هرگاه وقت کيو حالاتو موجب سيده سيودوي ونس دار وٺن نه، تيله
ڇهو آده ميني کٽهن بدل جامه ولان ته رنگا ميري کره آکس بيس بوز ناوان - يله
په سپدان ڇهو، ايم ساعته ڇه پي نيزه ته پنه کٽه افسانه، کهاني ته دليله بنان - يله
پين کهانين منز ته ڇهو حالات ته واقعاتن هند سوي پز آسان، اما پوز رنگا ميري کره
سيت، دل دل ته وڻ وڻ وٺه وٺه سيت ڇهو نه سونڀر باسان - آده کن يله آس
کا نه دليل يا افسانه بوزان ڇه، آس ڇه اته سان ته وٺن وٺه ڇه ايم منز ته
وقت کين اصلي حالاتن هند نقشه لبان يله وٽيچ به دليل ڇه آسان - اته ڇه وٺان
کٽه منز کٺن کٽه -

انسان ڇهو اوله پيڻه کنه نه کنه رنگس منز پنه وٽک ته زندگي هند حال
وٺان زمت - وٽيچ ته ڇه آس وڃهان زه کاله ته پگاه ڇه کتابن هنزه کتابه

ليکهنه اوان - افسانه، کهاني، ڈراما ته ناول - پين منز آري که دنيا بک حال ٿر ته
ته ٿر هر ته ڇهو باونه اوان - مگر ته پراڻس زمانس منز يله نه پين ليکهن ليکله
اوس، ته وقت آس لکھ به سوروي کنهه زباني وٺان ته دليلن هنزه شڪله منز
سينه به سينه ورتاوان - پين دليلن منز ته ڇهو ته سوي پز رڄ اته آري چن کتابي
افسان ته کهانين منز ڇهو - آده کن ڇهو په سيڻ شاه ضروري زه پراڻين پراڻين
تسه پنه ملڪچ ساري پراڻه دليله بوز ته جمع کره ته ته ته ته کٽه منز کٽه کٽه
تمن وقتن هند پوز حال معلوم کرڄ کوشش کرڄ، يله وٽک صحيح سالم
توارځ اسه نشس موجود ڇه -

پهوه مقصد نظره تل تهوت ڇهو سون اراده زه واره واره ڇه پوک
ساري پراڻه کاشره دليله - وٽ تمام آري زه قسط ڇه پنه ته يله ته ته روزه
په سلسله جاري - آري ڇه کتابه منز ڇه کل تر يله دليله ته آکس دليله سيت ڇه کوچي
کوچي تر يله لنجه -

پين ساري دليلن هند جمع کرڄ وٺل ڇهو نور محمد روشن!

(اداره)

فہرِس

۵

۱۱

۱۷

۲۵

۲۷

۳۰

(۱) سوداگر کوٹ

(۲) گاڈہ نمز تہ طوط

(۳) تر تہ ترہ بچہ

(۴) خوجہ سندھون

(۵) پادشاہ سندھ طوط

(۱) پادشاہ تہ پیر

سوداگر کوٹ

پرانہ زمانہ چھو خوبے سوداگاراہ اکھ اوسمت۔ اسی اسی زہ
 نیچو۔ پلہ پیم بڈگے، اُم دُوپ بونہ یک پانس سیت کھتہ بتہ کڈنہ۔
 دیان یہ خوبے سوداگر اوس بین بین ملکن سوداگری کرنہ گڑھان۔
 اُم وون پنے زنانه زہ بونیکہ نیچو زہ پانس سیت تہ پنی زندگانی منز
 تھوک ہوتہ کتہ کیاہ چھو کرن آسان۔ زنانه وڑھس پھس بن اکوی
 نیچو پانس سیت تہ بیاکھ روزہ مہ نش، ننتہ گڑھ بونکئی زن کترھتام۔
 اُمس پو زنانه ہندمان تہ دراو بودہ میو نیچو ہینتہ بیس ملکس کن
 سوداگری ہند سامانہ ہینتہ۔

وَن وول چھو ونان، اتھ ملکس واتنہ خاطرہ اوس اُمس سمندر
 منتر تار پیوان دیون۔ یہ چھو جہازس منز سوروی سامانہ بھران تہ
 گڑھان بیس ملکس کن روانہ۔ جہازہ پلہ سمندر منز چھو ونان اتہ چھو
 طوفان ووتھان۔ جہازس چھو ٹکڑہ ٹکڑہ گڑھان۔ خوبے سوداگاراہ

سند چھنہ پلہ پتاہ کھنہ تہ نیران مگر اُمس نیچو چھو جہازس پچہ کانس
 اکس پیٹھ ایرہ ایرہ وسان۔ اُمس چھنہ حسابہ ہوشاہ کھنہ تہ یوت
 کال یہ خبر کرن دوہن سمندر منز ایران چھو۔ رزق اوس
 موجود، واوہ کلناہ آپہ تہ لوگ یہ تھس۔ ادہ زہ دوہ یا تر یہ دوہ گڑھ
 یلہ اُمس ہوش چھو اوان، یہ چھو وچھان پین پان خبر کتہ ملکس منز
 وومت۔ نہ چھو جہازس کھنہ تہ نہ چھس مال سند نیبہ نشانہ۔ یہ
 چھو ووان، دیان گڑھ کوٹ تہ کرہ کیاہ۔ ای کران چھو میوان وون
 یکن اکس طرفس کن۔ پکان پکان دوت یہ گامس اکس منز۔ اتہ وچھن
 زمیندار ذاعت کموان۔ بوچھہ اُمس سیٹھاہ لجر تہ گو مینی راہ خدا
 بھتہ میونڈاہ منگنہ۔ پیم زمیندار چھس پڑھان۔ ہتا جوانہ یہ ونتہ زہ
 کتیوک چھک تہ کوٹ چھوی گڑھن۔ یہ ووتھک بوچھس فلان ملک
 اسہ گویتھہ پاٹھ وادرات۔ وون چھمنہ خبر بو کوٹ چھس لوگت۔
 زمیندار ووتھس۔ ہتا جوانہ زہ کتہ ہیکھ وائت وون تور۔ وتہ چھی کوہ
 تہ بیابان، جن تہ دیو۔ دولہ بہ اسی نش۔ اتھ منز اوس گر پستہ اکھ
 اُمس اوسنہ اولاد اکھنہ تہ۔ اُم دُوپ بونہ پانس نش گو برہ گرنہ۔

سوداگر کوٹ بنیو وون گریوس ته چھو کموان زراعت۔ دپان
 اتھ گامس اوس رویاه۔ فصل یلہ تیار گڑھ ہے، جاگر در اوس اوان
 ته نوان پن حصہ۔ ادہ یوتاہ خوش کرہ ہس تیوتاہ اوس نوان۔ کیشہا
 اوس بین تراوان۔ قدر تک کارامہ ور یہ چھو اتہ نہ بن گڑھان۔ فصل
 چھنے کنہہ ته نوان۔ جاگر در یلہ پنس و قش پیٹھ اوان چھو، یم ساری
 زمینہ ار چس زارہ پارہ کران۔ دپان چس اسہ چھنے ہیس پاس
 سوئب کنہہ۔ یہ کتھ مانہ یک ام کوڑ پنن نو کرن حکم۔ یم چھ ساری
 رٹان ته ریٹان۔ امس سوداگر کٹس ته چھ خوب دگہ ماراہ کران۔
 یہ چھو دپان گو کیاہ میانہ حقہ۔ بوکتھ بلا یہ منز چھیوس۔ امی دوہہ
 رات کیوتھ کر ام کام۔ کینہہ ته تھون نہ خبر ته ژول اتہ۔

ژلان ژلان دوت یہ بیس شہر منز۔ اتہ وچھن جان بازارہ
 مکانہ دوکانہ۔ زونن یہ گڑھ جانی شہر اسن۔ یہ چھو وون اتہ گاہے
 گدائی کران گاہے بیہ کنہہ ته کڈان دوہ دوہ۔ ای کران چھو اکہ
 دوہہ بتائی و انس اکس پیٹھ و اتان۔ اتہ چھس یہ بتائی و نان وولہ
 یکھ مہ نش روز نو کر۔ سوداگر کٹ ته زون عنیمت۔ وونن بیچنے خوتہ

چھو ای جان۔ کران چھو وون امسنز نو کرمی۔ گھر چ کاتم کوٹ ته
 چھس کران ته وانچ ته۔

اکہ دوہہ چھ بتائی دوہہ کرامی کارن لا جہر ته سوداگر کوٹ
 چھو امسن شہر پیٹھ کھونہ کینتھ۔ بتائی در او پانہ نیبر کن ته امس
 وونن ژہ روز دوہہ کرایہ نش۔ دوہہ کرامی چھ گریکان۔ قدر تک
 کار امس ژول کھونہ منزہ یہ شہر تھ ته گو اتھ دوہہ کرایہ منزہ۔
 امس دوہہ ہیہ پیٹھ بون تان مسئلہ ته مود۔ اورہ یلہ بتائی او۔
 یہ چھو پان ماران۔ امی ساعتہ نیون یہ سوداگر کوٹ رٹ ته گو
 پادشاہس فریاد۔ دپان چھو اکہ کورمہ امس یوت خیرتھ معاوض
 ژھونم نیچو مار تھ۔ سوداگر کوٹ چھس پنن کن زارہ پارہ کران۔ مہ
 چھنے کانہہ خطاہ۔ مگر اتہ کس مانہ ہس۔ پادشاہن دیوت حکم یہ گڑھ
 پھانہ یں دنہ۔ یہ بتائی ووتھ پادشاہس۔ امہ سیت میوان جگر
 کنہہ شہلیو ونہ۔ امس گڑھ تیوتھ سزاه یں دنہ، یہ سیت مہ دگ مشہ
 دپان اتھ ملکس منز اوس شہرہ نیبر چاہ اکہ۔ یس سارومی خوتہ سخت
 سزاه دنہ ایہ ہے سواوس اوان اتھ چاہس منز تراونہ ته اتی

اوس تنه منز واره واره تئس زو ژلان نيرته - ديوت وون پادشاهن
 حکم زه په گزته تنه چاهس منز تراون - سوداگر کوٹ چھو ووان -
 دپان وون ته رو دمرش کنه ته باقي - ايمی کران آس ماره وائل ته
 ديوتک په چاهس منز برته - په گوزخمی مکر مودنه وونه کنه -
 دپان جوانه اکھ اوس اچته وزير کوره پيټه عاشق گوشت پهوی
 اوس دوهمه دشل رات کيوته وزير کوره نش اوان گزهان - امه دوهمه
 چھو آس نير گزهان ته په چھو اوان رټنه - پادشاه چھو آس ته
 پهوی سزا ووان ته تراوان چھس آته چاهس منز - يتھوی په چاهس
 منز پيوان چھو په چھو مران - سوداگر کټس چھو په وچيت نصف زو
 ژلان نيرته - دپان په وزير کور ته آس آس جوانس پيټه عاشق - امه
 يله بوز سو آو چاهس منز تراونه - امه لوگ مردانه لباس - واريه ديار
 تلن سیت - گزته ته کمنه سته گيه رات کيوته آته چاهس نش - کمنه
 لاین چاهس منز ته دژان آواز - کس جلد پهوی چھوی وقت - سوداگر
 کوٹ يله آکو بوزان چھو په چھو حيران گزهان - کمنه چھو تھپ کران
 ته کھان چاهه منز - وزير کور چھس دپان کھس فوراً گرس - پانه ته

چھ سوار سپدان ته چھيم رانس ژلان - ژلان ژلان چھ واران يم
 بيس شهرس منز - اته يله صبح پھول ، وزير کوره چھ سوداگر کټس پيټه
 نظر پيوان - په چھ بدلي انسانه وچھان - آس چھو خشم کھان -
 په چھ تلوار کډان ته هميوان آس مارن - سوداگر کوٹ چھس ووان
 مه کياه قصور کور - هوتنه ژرے بچيو وچھس ته وون کياه چھم ژری
 ماران - وزير کور چھس ووان - مه اوسک نه ژره کھارن - مه اوس سو
 بيا که جوان کھارن بيس رات چاهس منز تراونه آو - په چھس ووان
 سو مودتمی ساعت يتھوی چاهس منز پيو - وزير کور چھ په بوز ته
 تلوار پته رټان - دپان چھس بو آس سندى خاطر - گهره بار تراوته
 درامتر - خير وون ته بو واپس نيکه نه گزته ، لهندا گيس از که پيټه
 بوچان ته ژره گوکھ ميون - بنيامي وون يم باژ زه ته چھ پکان
 گرین پيټه -

امه ملک وزير چھو آسان سيلس درامت - آس چھو فوج
 کنه ته سیت آسان - ميدانس اکس منز چھن آسان ديو لوگت ته
 چھو نظاره ژرمان - سوداگر کوٹ ته وزير کور چھ ايمی طرفه گرین پيټه

پکان آسان۔ آئس وزیرس پھوئی مین پیٹھ نظر چھ پوان، یہ چھو
 فوجس حکم دوان ته انه ناوان مین پانس بر وٹھ کن۔ مین چھو پڑھ
 گار کران۔ توہ کتکھ چھو ته کوت چھو گڑھن۔ یم کیاہ ونن !
 اورک یوراه چھس ونان مگر صحیح جواباہ چھکھنہ پھوران۔ وزیرس
 چھوامہ سیت شک بڈان۔ یہ چھو زانان ظاہرا چھ یم خبرکم جوسوس۔
 فوجس چھو حکم دوان مین کریو تلاششی۔ وزیر کور چھ اوتام مرده
 لباس منز۔ دون کیاہ کرہ ! یہ گیه مجبور ته چھ آئس وزیرس ونان۔
 بوچھس سیاہ سر بوہیکہ نہ تلاششی دتھ۔ وزیرس چھوامہ سیت
 وارے شک بڈان۔ یہ چھو زانان، یم چھ دراصل گھرہ ثلث درامت
 یہ چھو مین دوشون بند کران۔ آئس چھو وزیر کورہ پیٹھ ٹور پوان۔
 دیان چھس مہ سیت کرٹھہ نیتھر۔ یہ چھنہ مانان۔ دیان چھس مہ چھو
 پنن خانداریت۔ وزیر چھو آئس بند کران ته سوداگر کٹس چھو نوکرن
 اتھ مار دیاوان ته اتھ گڈتھ گڑھان۔ سوداگر کوٹ چھو پنن کن پان
 ماران مگر کرہ کیاہ وزیرس نش چھو حکم۔ یہ چھو وون گڑھان بیه دربر
 بیه طرفہ چھو وزیر کورہ ہو مجبور کران پانس سیت خاندرا کرہ

خاطرہ۔ آخر چھ وزیر کور مجبور گڑھان۔ یہ چھ وزیرس ونان بو کرہ
 ترہ سیت خاندرا مگر سانہ مذہبہ موجب پیسی تر بھنن دوسن پرارن۔
 یہ چھ سوچان خبر چھا ایتس کالس ما کرہ خدا کنہہ کاروائی ته بو
 موکلہ۔ وزیر چھو آئس پنن گھرہ نووان ته پراران یم تر تجر دودہ کر
 گڑھن !

وزیر کور چھ بندی ته سوداگر کوٹ چھو اکہ جایہ اوان ته بیه
 جایہ گڑھان۔ اتھ منز چھو واران یہ میدانس اکس منز۔ اتھ چھو وچھان
 برہنس اکس تپسی کران۔ گڑھان چھو آئسی نش ته ودان۔ برہمن
 چھو آئس پڑھان ترہ گوئت کیاہ چھوئی ته ودان کیاہہ چھکٹ۔
 سوداگر کوٹ چھو آئس ساری پنن دلیل ونان۔ دیان چھس مہ پیٹھ
 کور مہ ملک وزیرن ظلم۔ اکھ نینم زانان ته بیه مارنونس نوکرن
 اتھ۔ برہنس چھو آئسند انصاف گڑھان۔ ودان چھس ٹوپ ته
 آئس۔ دیان چھس یہ ٹوپ دہ کس۔ ترہ وچھک ساری ته ترہ وچھی نہ
 کانہہ۔ تمہ پتہ گڑھ وزیرہ سند گھرہ۔ بیه آئس سیت لائی تمہس درواز
 ٹاس ته اہ پانس واپس۔ سوداگر کوٹ چھو گڑھان ته کران پتھ پاتھ۔

دیان امه دوه چھو آسان ژبجهم دوه ختم گومت ته وزيرس
 چھو آسان وزير كوره سيت خاندركرن. سوداگر كوٹ يله آسه سيت
 آمنديس دروازس ماس چھو لايان وزيرس چه كاڙه تيمبر پيوان. اس
 چھنه وون بوزنه كنه اوان. په كته كره وون خاندركره. انا چھو
 په حكيمن. يم چيس علاج كران مگر امس چھنه گاش كنه ته اوان. په
 چھو ديان مگر كيا هنگه منگه. پرژهان چھو وون منجهن. يم چه
 كتابن موهان. ديان چيس فلان ميدانش منزه چھو برهنه اكه. په
 چھے تي سينه انژ. ژره كڙه تسي ته سوي سكي ژره ټيټك كڙه.
 وزير چھو تكان پنين نوكرن سيت. گزيمان چھو نياز سينه امس
 برهنس نش. زاره پاره چيس كران. ديان چيس مگر كيا كورو مي
 ژره نيوكه مگر آچه گاش. برهنس چيس ونان. ژره ترو ووت انصاف
 نه ظلم كورته. لهندا چھو مي تكمي سراه. هرگاه ژره وون آچين
 مند گاش بكار چھو مي تيله دن تيسن زنانه واپس. بيه دنس هر بهانش
 منزه پنين كور سيت. وزير چيس زاره پاره كران. ديان چيس آسه منزه

زنانه تراوسن بويله مگر كور پنين دمس نه. برهنس چھنه مانان. ديان
 چيس. ژره چيت جرم كورمت. لهندا چھو مي تيموك سز ضرورتلن.
 وزير ته چھنه مانان. اوان چھو بيه كهره. ديان علاج سیتی كزناوه
 بو آچه ټيټك.

سوداگر كوٹ چھو برهنس ديان په كيا كورته ژره. مگر اس
 پني زنانه ضرورت. برهنس ووتس ژره مگر بيه غم. په واته بيه
 يتومي. امه دوه چھو امس بيه سوزان. ديان چيس كڙه امي آسه
 سيت لاس بيه دروازس ماس. سوداگر كوٹ چھو كران بيه پته
 پاڅ ته كڙهان واپس برهنس نش. وزير يله صبحس ندره ووتهان
 چھو په چھنه ميكان مورو ووت. په چھو آسان وون موزورته
 گومت. انا چھو بيه منجهن. يم چيس ديان اس كيا كروي. ژره
 كڙه تسي برهنس زاره پاره. وزيرس چھنه كنه ته چاره لگان. كڙهان
 چھو وون داخه كنه برهنس نش. په چيس اته بيه اي ونان. ديان
 چيس ژره كورته ظلم. توه كن چھو مي تيموك سزاه تلن. وزيرن

بله زون یتھ اندہ نہ کنہہ۔ دوان چھو سوداگر کٹس زنانه ته پنین کور۔
 برہمن ووتھ سوداگر کٹس۔ پنین زنانه چھے پانس پیٹھ حلال مگر
 وزیرہ سنز کور زانزین پنین بلیہ۔ سوداگر کوٹ ته کوت گڑھ
 وون۔ پیم چھ ترشویے اسی برہمنش نش روزان۔ دیان پھس ترہ
 چھک سون بب ته اس چھ چان اولاد۔

برہمنشش اس طرفات ہند کوک اوان نیاز ته نذیر ہلیتھ۔
 اس اس اتہ واریاہ دولت سمیٹھ۔ پیم چھ وون اسی خدمتھ
 کران ته عیشاہ کران۔ دوا دوا سپد ته برہمن چھو گڑھان مڑتھ
 پیم چھ دیان وون کیاہ کرو اس یتہ روزتھ۔ اسہ نش کس ایہ ته کس
 دیہ نیاز۔ پیم چھ وون اسی سامانہ وٹان۔ ساری دولت چھ

سومبر اوان ته نیران اتہ۔ پکان چھ مگر خیراہ چھکنہ کنہہ ته گڑھو کوٹ۔
 اتھ منز چھو اورہ کارواناہ اوان۔ یہ سوداگر کوٹ چھو پنین پڑھان
 مہ ووتھ فلان شہرس کیا رچھ ووتھ۔ اتھ کاروانس چھو اسان
 تھ شہرس منز گڑھن یتہ اس سوداگر کٹس پنین گھرہ اوس۔
 یہ چھو وون اتھ کاروانس سیت پکان ته زنانه جوراہ ہلیتھ وٹان
 گھرہ۔ اتہ چھو وچھان یہ گھرہ سوروی وچارہ گوشت۔ اتہ اس
 امنز موج ته بیہ کوٹ بھوی۔ یہ چھو پنین نالامتہ رٹان ته
 وٹان سوروی سفر۔ وزیرہ سنزہ کورہ چھو کوٹس بھایس سیت
 نیمتھ کران۔ قرضدارن ہند قرض چھو نکھہ والان۔ بہان چھ بھای بان
 زہ زنانه جوراہ ته موج ہلیتھ ته کران چھ گھرہ بیہ آباد ۛ

گاڙهه هانز ته طوطه

ديپان به اوس غريب گاڙهه هانزاه اڪه - اوسي اوس نه زاه ته
پوران - دوشوڪي باڙ اسي دوس گاڙهه رٿان ته ڪنان - توتيه اوسه
يمن پڙ برابر بنان - اڪه وقاه ووت اسي پهنه وون گاڙهه لگان
به چيو پين ڪن سينڙاهه چجه ڪتر ڪران - پيار مئيش فاقه لکن - اته منڙ
چيو اڪه دوهه پيس درياوس منڙ گرهان گاڙهه رٿنه - اته چجه اسي سينڙ
گاڙهه لگان - زنانه چيس ديپان به ڪنون - گاڙهه هانز چيس ونان به
ڪيئون پانس - پگاهه به گاڙهه لکن ته ڪنوڪه - امنڙ زنانه چجه ميوان
به گاڙهه تيار ڪرن - پتھومي به اسي شڪم چاک چجه ڪران اته چيو گاڙهه
هنده شڪم منڙه ڪنه پھول نيران - به چجه نکان ته رٿنهان به ڪنه پھول
درياوس منڙ - پتھومي به ڪن درياوس منڙ گرهان چجه اته چيو آبه
منڙه طوطه اڪه ڪسان - گاڙهه هانز چيو به وچھان ته حيران گرهان

به چيو ناو اوڪن پين پڪناوان ته رٿان طوطس - طوطه چيو سينڙاهه خوشه
ون آسان - گاڙهه هانز چيو اسي پيس منڙ تهوان لڏ ته ته رچھان
طوطه چيو ميوان ڪتھ ڪرنه - گاڙهه هانز يله به وچھان چيو به چيو وار
حيران گرهان - ديپان امانه ڪياه سر چيو - به چيو طوطس پڙ رھان
به وننه به ڪياه دليل چجه - رڙه ڪتھ پاڻه گوڪھ آبه منڙه پيده به چجه
ڪتھ ڪران - ونان چيس وون طوطه پين دليل -

طوطه چيس ونان تو اوسي لعل فروش - لعل اوسي ميوان
ته ڪنان - اڪوئي ڪاره باراه اوسي ڪران - اڪه دوهه چيو اڪس شخصس
ڪتھ ڪرون طوطه ڪئن - به ڪورم سينڙاهه خوش ته ميونم ساڪس
مهرس تل - به طوطه چيس تو رچھان يوت ڪال به سيو گو - وون چيس
نه تو به پيس منڙ ته ڪنه تهوان - به ته چيو اوره يور پھيرناه ڪر ته
اوان ته بهان - اته منڙ چيو اڪه دوهه به وڏ ته گرهان ته واريان
دوهن چجه ننوي ڪنه - به زون ظاهراڙول خبر ڪتھ جنگلس ڪن -
ننه ڪيئو پڙ آر - ڪنه دوهه چجه گرهان ته طوطه چيو به واري ته پيوان

مہ پرژھ اُمس طوطس یہ ونتم ژہ کتہ اوسک ایتین دُون۔ طوطہ
 دوتھم۔ کیاہ ونے بو ووس وڈان وڈان اُکس شہرس منز۔ تتی
 وچیم بو وچا ببا تھاہ۔ سومی وچان وچان گوم ژیرہ۔
 گاڈہ ہینر چھو اُمس طوطس پرژھان۔ تم طوطن کیاہ
 عجائبات اوس وچیم۔ یہ چس ونان تم طوطن وون۔ بو یلہ
 تھ شہرس منز پیران اوس، وڈان وڈان ووس پادشاہ
 سندس محل اس نش۔ اتہ وچیم دارہ پیٹھ ملک کان بہت۔ یہے
 سبھاہ شکیل تہ خوبورت۔ دوس اُس یہ دارہ پیٹھ بہت،
 شاس یلہ وژھ، امہ کورہاے اکانہ تہ چھنائیں یہ مشکل حل
 کرہ ہیے، دیوہ بو تہ بنہا تمسنر طوطہ چیم ونان اُمس وچیم سورہ
 سونہ سندی۔ آسنہ نو کر چا تہ وچیم سونہ سندی پلو لاگتھ۔ یہ
 ملک کان چھ اتہ پانے پادشاہی کران۔ مگر دیان چھ آسان۔ دوسہ دس
 وچیم دارہ پیٹھ بیان۔ شاس ووتھان تہ کران ہاے۔ چھنا کانہ
 تہ یں یہ مشکل حل کرہ ہیے، دیوہ بو تمسنر بنہا۔

طوطہ چھو گاڈہ ہانرس ونان۔ یلہ مہ اُمس طوطن یہ وون مہ
 تنلیو وول۔ مہ دوتہ بو وچیم ہن یہ ملک کان کوسہ چھ تہ اُمس
 کیاہ مشکل چھو۔ مہ وون اُمس طوطس مہ واتنا و تھ شہرس منز
 چھو مہ طوطہ نو ان پانس سیت۔ یہ چھو پکان بروٹھ بروٹھ تہ بو
 پتہ پتہ۔ منزل بہ منزل چھ پکان یوت کال اتھ شہرس منز وات
 مہ پرژھ اتہ طوطس بو کتھ پکھ واتہ وون ملک کان نش۔ یہ دوتھم
 ژہ سوز اُمس شیچھ۔ دس یں چون مشکل چھو سوکرہ بو دور۔
 تمہ پتہ یلہ ستہ کنہہ ونی ادہ ونے بو پانے کیاہ چھوی کران۔ طوطہ
 چھو گاڈہ ہانرس ونان۔ بو یلہ ملک کان نش و اتان چس، یہ چھ
 پردس ژھایہ روز تھ مہ ونان۔ تہ چھو فلان میدان اکھ۔ اتھ منز
 چھو آٹھ دوہ اکھ مکانہ پیدہ گڑھان۔ تمہ پتہ چھ انسان جما تھاہ
 اکھ اوان۔ یہے چھ اتھ مکانس نیبرہ کنہ زون سومبراوان۔ زون
 انباریلہ سمان چھو، پتہ چس نار دوان۔ تمہ پتہ چھ امہ مکانہ منزہ
 اُکس خوبورت زنانہ رٹ کڈان تہ تراوان اتھ نار کس منز یہ

زنانه چھ سیٹھاہ شور کران۔ مگریم چھنے کنہہ تہ بوزان۔ یہ چھ
 نارس منز وزان تہ اتہ چھو یہ مکانہ تہ غیب گزھان تہ یم انسان
 تہ۔ مہ سوز و وینن فوج تہ اوت یہ سیر معلوم کرنہ خاطرہ۔ مگریموان
 ژھن سومیون فوج تہ مار تھ۔ پتہ تھو مہ شرط۔ یس یہ سیر معلوم
 اینہ کر تھ۔ تمس سیت کرہ بوخاند۔ تہ سومی رٹہ میان پادشاہی تہ۔
 دیان چیم از نام آیای واریاہ۔ مگر کانہہ تہ ہینوک نہ مینون یہ
 مشکل حل کر تھ۔ یسوی گو سومی آونہ واپس پھیر تھ۔

طوطہ چھو گاڑہ ہانزس ونان "مہیلہ یہ بوز، بو اس تہ پڑھان
 چھس اس طوطس۔ یہ چیم ونان ژرہ کر کام۔ فلانی کو اس پیٹھ
 چھوی مانگاہ اکہ تمسی نش گزھ۔ زارہ پارہ نرس سومی ماوی
 ژرہ و تھ۔ تہ پتہ ونے بوادہ بروٹھ کن کیاہ چھوی کرن۔ طوطہ
 چھو ونان گاڑہ ہانزس۔ بوگوس اس ملنگس نش۔ یہ وچیم گو پھ
 اکس منز بہت یاد خداہ کران۔ بو چھس اس خدمتھاہ کران تہ
 آتھ منز چیم یہ ملنگہ پڑھان ژرہ کیاہ گزھمی۔ بو و تھس پتھ

پاٹھ چھ دلیل۔ مہ گزھ یہ مشکل حل گزھن۔ یہ ووتھم اورہ گزھ پانس
 مہ سن مین کتھن۔ مہ لاجس چھپر۔ زارہ پارہ چھس کران۔ خدمت
 چھس کران۔ آخر گو اکہ دوہہ ملنگس انصاف۔ یہ چیم دیوان
 جھول تہ یہ ژھوٹہ اکھ۔ دیان چیم ژرہ گزھ فلان جاہ۔ تین چھوی
 ناگ اکھ۔ ژھوٹہ رٹھ اتھس منز تہ وس آچھ وٹ اتھ ناگس
 منز۔ تہ پتہ وچھک ژرہ نووی عالماہ۔ تہ چھوی پادشاہ۔ تمس
 چھوی ناوشاہ اندراز۔ تمسی نش گزھہ چون گزھن۔ یہ جھول گزھس
 میانہ طرفہ ڈال دین۔ مگر ژھوٹہ گزھہ بہ مہ نش واپس انن۔
 تمسی ون ژرہ یہ سوروی حال۔ سومی کرہ چون مشکل حل۔

طوطہ چھو ونان گاڑہ ہانزس۔ "تویلیہ شاہ اندراز نش ووتس
 تہ ووتس یہ۔ سو ووتھم سور کرہ ہے۔ مگر کیاہ کرہ ژرہ چھکیم
 ملنگن سوزمٹ۔ وون چھوی تمس دوی پاس تہ گزھ پانس۔ بو
 ووتھس، بو اس یوت سفر کر تھ۔ ایتھ سختی رنج مہ امی خاطرہ۔
 وون کتھہ پاٹھ گزھہ بو ژھوڑوی واپس۔ اس تہ کورم زارہ پارہ۔

آخر دوتھم یہ۔ پس سو مکانہ چھو سو چھو طلسمہ سیت بنان۔ تم انسان
چھ میانی دیو، سہ زنانہ چھ میان کور۔ سو گیارہ دیوس اکس پتھ
مشتاق تہ ترج تمسی سیت۔ مہ آن سہ رٹ۔ دوپس باز یہ میون
ناو مہ مندہ چھاو۔ تہ پھویر بھتہ تہ مون نہ میون کنہہ۔ توے چھ مہ
تمس یہ سزراہ قحومت۔ سہ چھ آٹھ دوہ زالنہ اوان تہ پتہ چھ بیہ
زندہ گرہان۔ یہ پتھ دژنم کنہ پھل ہناہ۔ دوپم بلہ سو مکانہ بیہ
پیدہ گرہہ چون گرہہ یہ کنہ پھول تھ مکانس سیت تھون۔ پانہ
گرہہ زجہ گز دورہ روزن۔ اگر نہ ژہ میانس ونس پیٹھ ژہ چھ
اوان ژہ وچھک پانے سوروی حال۔

طوطہ چھو زنان گاڑہ مانزس "بو یلہ یہ کنہ پھول ہنتہ اس تہ
گوس امس ملنگس نش، امس دیوتم ژھوٹہ واپس تہ گوس اتھ مکانس
نش۔ یہ کنہ پھول قحومت اتھ سیت تہ پانہ بوٹھس زجہ گز دورہ اتھ
کن وچھنہ۔ وچھان وچھان ہنوت ام کنہ پھل گاہ تراون۔ یہ چھو
پزلان تہ مکانہ چھو غیب گرہان۔ اتہ چھس بو وچھان سیٹھاہ

خوبصورت زنانہ اکھ دیوس اکس سیت بہت۔ مہ یلہ یہ سوروی وچھ
بو اس ملکانہ نش تہ وونس۔ یہ دژھم اورہ مہ کتھہ پاٹھ ترہ فکرہ
ژہ چھکھ پوز زنان کنہ اپز۔ وون کیاہ ونہ ما بو امس۔ بو گوس بیہ
طوطس نش تہ چھس پڑھان۔ یہ طوطہ دوتھم ژہ گرہہ بیہ تمسی
ملنگس نش۔ تمسی کر زارہ پارہ۔ بو چھس بیہ گرہان۔ امس چھس
سیٹھاہ زارہ عاجزی کران۔ واریامس کاس خذمتھاہ گرہہ چھم یہ
دیپان ژہ گرہہ بیہ شاہ اندرازس نش۔ تمسی ون امس کورہ دیہ وون
معافی۔ یہ ملنگہ چھو مہ بیہ یہ ژھوٹہ ہن دوان۔ بیہ چھم دوان ٹوپ
پنن۔ دیپان چھم یہ ٹوپ گرہہ شاہ اندرازس بروٹھہ کنہ تراون۔
مگر یہ ژھوٹہ گرہہ چھم واپس ان۔

طوطہ چھو گاڑہ مانزس زنان۔ بو چھس بیہ وٹان شاہ اندرازس
نش۔ امس چھس ملنگہ سنر ٹوپ بروٹھہ کنہ تراوان۔ یہ چھم بیہ زنان
سور تراوہ ہے گرہہ۔ مگر کیاہ کرہ ژہ چھو نکھتہ ملنگن سوزمت۔ بو
چھس امس زارہ پارہ کران۔ دیپان چھس ژہ کر تہ وون کورہ

پنہ یہ سزاہ معاف۔ یلہ مہ یہ مجبور کور۔ آخر چیم یہ وعدہ کران۔ دیان
 چیم گزہ۔ "بو تھون از کہ پیٹھ کوریتی بند کرتھ۔ وون نہ بنہ تہ سٹو
 مکاتے نہ ایہ سہ نارسئی منز زالنہ۔ یلہ مہ یہ وعدہ دیوان چھو، بو چس
 ملگس نش ترھو ترادوان تہ واتان ملک نہ نش۔ امس چس بو وناں۔
 یہ اس شاہ اندر ازہ سنز کور اتھ نارس منز زالنہ اوان۔ امس چس بو
 ساری حقیقت وناں۔ دیان چھو س وون سپد تیس سزاہ معاف
 ملک ان چیم وناں ہر گاہ ای پوز چھو تیلہ گزہ نہ سو مکاتہ تیتن پیدہ
 گزہن۔ پراران چھ وون و قس۔ یلہ نہ اتہ یہ مکاتے بنیو، نہ گے
 تم اتانی پیدہ۔ امہ ملک نہ دوپ پز پاٹھ کور تھ ترھ میون شرط پورہ۔
 "وون سپزس بو چان۔ تمہ پتہ چس بو امس سیت خاند کران۔ تہ
 بنان امہ شہرک پادشاہ۔ بو چس گزہان وون امس ملگس نش
 پنہ طرفہ ڈال سیتھ۔ طوطہ تہ چھو س سیت تان۔ اتہ چیم یہ ملگہ وناں
 "چون مشکل تہ سپد حل۔ وون مہ تھون یہ طوطہ پانس نش۔ یہ تھون
 کنتھ۔ مہ گو امس نہ وون مشکل۔ مہ دوپ وناں کیاہ پریشانی چھو یہ۔

ام طوطن و اتنودس بو سیتھ کما س۔ یہومی ژھنہ بو کنتھ۔ مہ کن نہ
 طوطہ کنتھ تہ بو چس پانس۔
 طوطہ چھو وناں گاڑہ ہانرس۔ "دونا دوا چھو گزہان تہ یہ زنا نہ
 میان چھو بیاریوان۔ سیتھاہ علاج کرتھ چھنہ امس کنتھ بنان۔ بو گوس
 امس ملگس نش۔ یہ چیم اتہ بیہ وناں۔ مہ ونیو مے ترھ طوطہ ژھن
 کنتھ۔ یہ واتناوی ترھ آزار۔ مہ کھتر تھ۔ مہ دوپ یہ چھو خبر کیاہ
 بکواس وناں۔ طوطی و اتنودس بو سیتھ کما س پیٹھ، یہومی واتناویامہ
 آزار۔ مہ کن نہ طوطہ کنتھ، یوت کالی پادشاہ باپی مرتھ گیہ۔ اتہ او س
 بو امس دی سیت پادشاہی کران۔ یلہ یہ مرتھی گیہ، وون چس بو دیان
 کرہ کیاہ۔ پر ژھان چس امس طوطس۔ یہ چیم وناں۔ بو بناو تھ ترھ
 بیہ پادشاہ۔ ترھ یہ مہ سیت۔ نوان چیم یہ پانس سیت اکس دریاو نش
 اتین چھو آسان گل اکھ۔ دیان چیم ترھ کھن سیتھ کس نش۔ اتہ چھومی
 اکھ صندوق سوی کڈن۔ تمہ منزہ نیری تختہ ہار۔ سٹو تراو مہ نال۔ بو
 چس اتین کھنان۔ اتہ چھو زمینہ تھ صندوق نیران تہ امہ منزہ چس

بوخته مار کڏان پتھوی مہ یہ آس طوطس نال تروو، آس گودیو اکھ
تیار۔ ام دیوت مہ پھوک تہ بنوونم کنہ پھول۔ دیوتس دریاوس داتھ
اتہ کھینس گاڑہ۔ شہ ریتھ وات مہ گاڑہ ہندس شمس منز۔ وون چھمنہ
خبر بوکتھ پاٹھ بنیوس بہ طوطہ۔

طوطہ چھو ونان گاڑہ ہانزس وون اگر تہ مہ تمسی ملنگس نش
واتناوہک۔ سوکرہ ہے مہ دعای خیر تہ بو موکلہ ہا میہ عذابہ منزہ۔
گاڑہ ہانزس چھو یہ بوڑتھ آسند عار اوان۔ یہ چھو آس ٹھیس منز
تھان تہ گڑھان ملنگس نش۔ پکان پکان چھو و تہ آس ژورون اکھ
سمکھان۔ یہ ژورون چھو گاڑہ ہانزس ونان۔ اے انسان تہ چھوی
یہ طوطہ ہنیتھ فلان ملنگس نش گڑھن۔ تہی وونٹھ تمس میون تہ۔ زارہ
پارہ کورھس۔ دیس بو گڑھس میہ عذابہ تلہ موکلن۔ گاڑہ ہانز چھو
حیران گڑھان۔ آس چھو پڑھان تہ کتھ پاٹھ گئی یہ خبر۔ مہ چھو تمس
ملنگس نش گڑھن۔ ژورون ووتھس۔ مہ چھو آس طوطہ سنز ساری

دیل خبر۔ یہ کیاہ اوس تہ آس کیاہ بنیو۔ بو اوسس پانہ تمسی ملنگس
نش۔ تم ونیو آس سو طوطہ ژھنٹن کتھ۔ تہ کیاڑہ سو اوس
دیو۔ تمس دیوس اوس تم ملنگس سنز دیوت تہ اوسس طوطہ بنووت
ام یلہ نہ ملنگہ سندھ مون تمی توگس یہ سنزہ۔ یہ ژورون چھس
ونان۔ مہ گو پانس تہ ای۔ مہ تہ مون نہ اکہ وقتہ تمسند۔ تمی گوم
یہ حال۔ یہ چھو گاڑہ ہانزس سوال کران۔ تہ یلہ تمس نش واک
میانہ طرفہ تہ کر زیس زارہ پارہ۔

گاڑہ ہانز چھو یہ بوڑتھ گڑھان وون ملنگس نش۔ اتہ چھو آس
طوطہ سندہ بدلہ تہ ژورون سندہ بدلہ زارہ پارہ کران۔ ملنگہ چھو طوطس
چھوک دوان تہ یہ چھو اوان بیہ پنہ شکلہ منز۔ دعا چھو منگان تہ ہو
ژورون تہ چھو گڑھان ٹھیک۔ لعل فروش چھو بیہ لعل فروش بنان
یہ چھو آس گاڑہ ہانزس مالامال کران۔ آس چھو سوروی شکس
ژلان تہ کران چھو آرامہ ۛ

ثالثه زره بچہ

یہ اس پادشاہ بایاہ اکھ۔ یہی اس محلہ خانہ کس درپس پیٹھ
بہان تہ نظارہ وچہان۔ اکھ درپس نش اس نیبر کن زره اول۔
اکھ منز اس زره بچہ۔ پتھوی زرمین آپہ انان اس ایم زره بچہ
اس چچہ رارے کران۔ پادشاہ بایہ اس زره بچہ منز یہ چچہ رارے
خوش کران۔ توے کن اس دوہہ دش اکھ درپس پیٹھ بہان تہ
پہند شور بوزان۔

اکھ منز چھ دوہہ اکھ پادشاہ بایہ درپس پیٹھ بہت۔ مگر
امہ دوہہ چھنہ یہ زره بچہ منز چچہ رارے کتہہ تہ بوزان۔ دیان چھ
امایہ کیاہ سنا دلیل چھ۔ از کیاہ چھنہ مین موج آپہ پیٹھ اوان
خیال گوس شاید اس بڈ گیمت تہ ثلث اس۔ مگر اس منز رودس
شک۔ دایہ کورن آکو۔ دوش زره وچتہ پتھ زره اس اندر اکھ

تراوتھ۔ اکھ منز چھا کتہہ کتہہ نہ۔ داسے چھ درپس کن زره پیٹھ اوان
تہ زره اس منز اکھ تراوان۔ اورہ چھ کڈان زره بچہ۔ مگر ساری
مودمت۔ پادشاہ بای چھ حیرتن گڑھان۔ دایہ کن چھ ونان۔ یو
کس چیز چھ کھیومت بیمہ کن ایم ساری مودمت چھ۔ دایہ اکھ چھ
یمن شکم مژراوہ ناوان۔ اتہ کیاہ چھ وچہان۔ مین ساری شکم منز
میشر کڈ۔ پادشاہ بای چھ دایہ کن ونان۔ مین موج مین آپہ بد
میشر کڈ دیہ ہے نہ۔ مین آسہ شاید مین موج مژراوہ آسہ واریل
مارمژ۔ مال آسک دویم نیتھر کورمت تہ دورہ ماجہ اس نہ ایم
درونہ آمت۔ امی ونان تراون نیبر کن نظر۔ اتہ وچہن پز پاٹھ
بدل زراکھ تو تہ منز میشر کڈ پیٹھ کلس پیٹھ۔ پادشاہ بایہ گو
وون پورہ لقین۔ سیٹھاہ تغیر گوس دس۔

اس پادشاہ بایہ اس پانس تریہ شہزادہ۔ زره بچہ ہند
حال وچتہ گواس دس منز خیال گنان۔ امی ساعتہ پیٹھ پیٹھ
دارہ بر تر پراوتھ۔ پادشاہ یلہ دربار کرتھ محلہ خان اوان چھو اتہ چھو

وچھان پادشاه بای داریه بر توتیرت. پادشاه بای چھنہ آس بر
 مثرادان. دیان چس گوڈہ دم وعدہ اده مثرادے بر—
 پادشاهس چھو آسان پادشاه بایہ ہند سیٹھاہ محبت. یہ چھو آس
 وعدہ دوان. دیان چس "یہ ژہ منگکھ تہ دے بو. یہ ژہ ونکھ تہ
 کرہ بو." پادشاه بای چھ دروازہ مثرادان. پادشاه یلہ بہان چھو
 پادشاه بای چس دیان گوڈہ کرنین وعدہ برابر. پادشاه چس
 دیان "ون ژہ کیاہ گڑھی. بو کرہ پنن وعدہ پور." پادشاه بای
 چھ آس ژہ تہ ژہ بچن منڈیل ونٹھ دیان "مہ سیت کر وعدہ
 ہر گاہ بو ژہ برونٹھ مرہ ژہ کرکھ نہ بیاکھ خاند." پادشاه چھو آس
 وعدہ کران.

دوہا دوا چھو گڑھان تہ پادشاه بای چھ مڑکھ گڑھان
 پادشاه چھو وون مونڈس کڈان. دویم نیٹھر کرہ ہیے مگر وعدہ
 چھن کورمت. دوہ دوہ چھو گڑھان. امیر وزیر چھ پادشاهس
 مجبور کران. دیان چس "مڑتس پتھ کس چھو مودمت." کتھ کتھ

چھ پادشاهس مثرادان بیاکھ نیٹھر کر نہ بابت. پادشاه چھونہ پنن
 وعدہ پالان کنہہ تہ کران چھو دویم نیٹھر. اما پوز شہزادن ترین چھو
 دور جایہ آس تھوان. کیونژہ کالاہ چھو گڑھان تہ یہ دویم پادشا
 بای چھ بوزان زہ پادشاهس ما چھ تھومت پنن شہزادہ مہ ژورہ
 پتھومی یہ بوزان چھ یہ چھ امی ساعتہ پیٹھہ روشٹھ بہان. پادشاه
 یلہ آس پڑھان چھو آخر روشٹھ دلیل کیاہ چھ یہ چس ونان
 ژہ کیاہ بو آس یہ ایش دشمن بوزنہ زہ ژہ چھتھک پنن شہزادہ
 مہ ژورہ تھومت. دیان چس کیاہ چان نیچو چھنا میاں نیچو. امی
 ساعتہ پیٹھہ چس اگادہ گڑھان. دیان چس "تیوت کال چھنہ
 بوچان زنانہ یوت کال نہ شہزادہ پنن مہ نش انہ ہک." پادشاہ
 چھو مجبور گڑھان. یہ چھو ترشون شہزادن واپس انہ ناوان.

شہزادہ یلہ اوان چھ یہ پادشاه بای چھ مین نالہ متہ رٹان
 مونہ تہ میٹھ کران. شہزادہ تہ چھ آس ماجہ ہنزہ نظرہ دچھان
 آتھ منز چھ یہ پادشاه بای زہ چس ہیوس شہزادس ونان دیان

چھس "وولہ مہریت گند نردس" پادشاہ باہ چھو دس منتر ایہ بد
 آسان گوشت۔ شہزادہ چھو آس انکار کران۔ دیان چھس "ماہ پورن
 واتہ نہ نردس گند کن" یہ بونہ چھو نیران۔ امہ پتہ چھ یہ بیس شہزاد
 تہ پتہ پاتھ ونان۔ یہ تہ چھس اورہ پھوے جواب دیوان۔ یلہ
 ترشوکے شہزادہ آس کنومی جواب دیوان چھ آس پادشاہ باہ
 چھو اندری ہینہ گڑھان۔ امی وقتہ پیٹھ چھ یہ بیمار لاگان۔ پادشاہ
 چھ فکر پیوان۔ سیٹھاہ علاج، پیر فقیر چھو کران۔ مگر پادشاہ بامی بلان
 کنہہ چھنہ۔ پادشاہ چھو مجبور گڑھان۔ یہ چھو شہرہ کس بڈس حکمیس
 نادوتھ انان۔ حکم چھس دیوان۔ دیان چھس "ہر گاہ پادشاہ بامی بکراؤ
 ہن تہ جان نتہ کرناوتھ بوقتل حکیم پیو بچور مر نہ۔ کرہ کیاہ اوچھا
 چھو پادشاہ باہ بیمار یاہ کنہہ چھنہ۔ یہ پادشاہ بامی کرتن کام۔ امہ اند
 نوڈرورہ پاتھ یہ حکیم نادوتھ۔ دوشس "ہر گاہ ژہ بچن چھو می تیلہ
 کر ژہ اکھ کام۔ ژہ ون پادشاہس۔ دس پادشاہ باہ چھ درج بیمار
 یہ بل تیل یلہ آس مین ترین شہزادن ہند کرہ منہ ماز کھیوان ایہ دنہ۔

دیان چھس "اگر ژہ یہ کرکھ، اکھ بچک ژوہ بیہ دے بو النامہ۔"
 حکیم تہ زون غنیمت۔ گو تہ پتہ پاتھ وون پادشاہس۔ دیان
 چھس امہ وراے بیہ کانہہ علاج چھنہ۔ پادشاہ گو یہ بوزتھ سیٹھاہ
 مجبور۔ مگر آس پادشاہ باہ ہند آس محبت۔ آون وزیر ناد
 دتھ تہ وون تہ حکیم سند علاج۔ دیان چھس ژہ نکھ کو تہ پاتھ
 ترشوکے شہزادہ کنہہ جایہ تہ پھنہ کرہ منہ ماز واتہ ناو پادشاہ باہ نش
 وزیر اوس دناہ تہ آس توڑ یہ سورومی فکرہ۔ پادشاہس چھو اقر
 کران تہ نو ان چھو ترشون شہزادن پانس سیت۔
 وزیر چھو آسان گال تہ وفادار۔ یہ چھو شہزادن بوزہ ناوان
 دیان چھک یہ کتہہ چھوہ یہ دلیل۔ وورہ موج چھوہ توہہ مارناون
 یڑھان۔ لہذا ہر گاہ توہہ زو بچاؤن چھوہ، توہہ ژور اتورات
 یہ شہرہ منزہ۔ ادہ پتہ کن لگیو تہ تھ کن۔ مگر بیتہ مہ روزیو۔ پنہ
 طرف چھک مہرہ ٹھیلہ ہنا دیوان تہ کڈان امہ شہرہ منزہ۔ وون
 چھیم ترشوکے شہزادہ بیس طرفس کن ژلان۔ وزیر چھو کران کام

ژورہ پاٹھ چھو ہونین ترین مارناوان تہ پیندوی کرینہ ماز چھو پادشا
 بایہ کھین دوان۔ پادشاہ بامی چھو کھینوان تہ بلان۔ زانان چھ
 زہ ترشوتے شہزادہ آے مارنہ۔ شہزادہ چھ پانس سفر کران۔
 شہزادہ چھ ژلان ژلان واران بپس نکلس منز۔ و تہ چھ
 پکان آسان تہ اورہ چھو شخصہا اکھ لاران اوان۔ آس چھو آسان
 کٹھ روومت۔ پتھوی مین نش واران چھو، پڑھان چھک ہے
 توہہ ماگوہ کٹھ جاییہ کٹھ نظرہ۔ بوڈہ میو شہزادہ چھس دیان کرینہ رنگہ
 اوسہ کٹھ۔ یہ شخص چھو ووتھ کڈان۔ دیان چھس اورہ کرینہ رنگے
 چھم۔ وون ویتھم ژہ کٹھ ویتھن۔ شہزادہ چھس دیان۔ مہ چھے نہ
 کنہہ خبر۔ مہ چون کٹھ ویتھم چھنہ۔ یہ شخص کٹھ تلپس تھپ۔ دیان
 چھس بوکتہ مانے۔ دراصل آستھن ژری نیومت۔ یہ چھو شہزادس
 تھپ کرتھ پکھ ناوان۔ دیان چھس مہ دن کٹھ واپس۔ ای کران
 چھو اورہ بیاکھ شخصہا لارہ ہوت اوان۔ پتھوی شہزادن نش واران
 چھو، دیان چھک۔ ہے مہ چھو ووتھ ژروومت۔ توہہ ماو چھون پیار

کٹھ جاییہ۔ منز نوم میو شہزادہ چھس ونان۔ کیا سہ چون وونٹھ ما چھو
 کھوفرہ اچھ کون۔ یہ شخص گونوش۔ دیان چھس۔ اورہ سوی چھو میون
 وونٹ۔ ژہ کٹھ ویتھن۔ شہزادہ چھس دیان۔ مہ چھے نہ کنہہ تہ خبر۔
 مہ چھنہ چون وونٹ ویتھم۔ ام شخص ژھنس جیہ۔ دیان چھس
 تیلہ چھک ژری ژور۔ ژرے چھو تھن میون وونٹ نیومت۔ اکھ
 منز چھو بیاکھ شخصہا دوران اوان۔ آس چھو آسان زانہ ژجہتر
 یہ تہ چھو مین پڑھان۔ توہہ ماو چھون کانہہ زانہ پیار ژلان۔
 کوکٹ میو شہزادہ چھس ونان۔ کیا سہ چان زانہ چھا حالہ۔ اس
 شخص چھو برابر نیب اوان۔ دیان چھس یہ ویتھم ژہ کتین
 ویتھن۔ شہزادہ چھس ونان۔ مہ ویتھم نہ کنہہ یہ زن پڑھوئے
 یہ شخص کٹھ سہ تلپس تھپ۔ پو ترشوی شخصوئل کرکی ناد۔ اتین
 سمیائی واریاہ۔ ساری چھ دیان۔ دراصل چھیم ٹھک۔ بیم لوٹاون
 سارنی پتھے پاٹھ۔ گپیہ چھنہ کانسہ خبر زہ بیم ماچھ شہزادہ۔
 کوک چھ مین ترشون شہزادن نوان رٹ تہ واناوان اتہ

کس پادشاہس نش۔ ساری چھ پن پن فریاد کران۔ اکھ چھو و نان
 مہ چھک کٹھ نیومت، بیاکھ چھو و نان مہ نیو کھ و وٹ بیاکھ چھو بارو
 دوان مہ چھک زانہ نیمتر۔ پادشاہ یلہ یمن بیانہ چھو میوان، ژوٹھ میو
 شہزادہ چھو و نان۔ پادشاہ سلامت بو ژور کنہہ چھنہ۔ پتھ گو مہ
 کٹھ پاٹھ وون اس چون کٹھ چھو کرہنہ رنگہ۔ پادشاہ سلامت و تہ
 پکان وچھ مہ اس جایہ کٹھ دو پھس منز کٹھ سنز کرہن مون لایتر
 مہ یلہ بوڑا مسند کٹھ چھو اپاری کن ژولمت، مہ کور اندازہ سو اسہ
 ہے کرہنہ رنگہ۔ نتہ مہ آچھو کٹھ کنہہ وچھت چھنہ۔ پادشاہ یلہ منز
 شہزادس بیانہ میوان چھو، سو پھس دیان۔ پادشاہ سلامت ابوتہ
 ژور چھنہ۔ مہ وچھ و تہ پکان سٹکہ وچھنہ طرفہ ییم کل اس تمن اوس
 پن تہ نیچہ نیچہ کھینہ آثرہ۔ سٹکہ کھوفرہ طرفہ ییم کل اس تمن اوس
 سوروی پن موجود۔ مہ یلہ بوڑا اس شخصہ سند و وٹ چھو اپار ژولمت
 مہ کور پلے اندازہ۔ سو و وٹ گڑھ کھوفرہ آچھ کون اسن۔ توے
 چھو تم صرف وچھنہ طرفہ کین کلین ہند پن کھیومت۔ کھوفرہ طرفہ

چھنہ بوڑنہ آمت۔ تریم شہزادہ تہ چھو پتھ پاٹھ بیانہ دوان۔ دیان
 چھس پادشاہ سلامت ابوتہ پکان وچھ مہ اس جایہ سٹکہ اس
 طرفہ کن کم تان تھک کوڈومت۔ تین اوس انسانہ سندہ ہنگ
 نشانہ۔ مگر تھو و وٹھن وزہ اس تم زمینس اتھ ڈکھراومت۔ یہ
 وچھت گو یو مہ خیال شاید اسہ ہے کانہہ ضرور اومت۔ ییم اتین
 تھک چھو کوڈومت۔ بور اسنہ سببہ چھن و وٹھن وزہ زمینس سیت
 اتھ ڈکھراومت۔ پتہ یلہ ییم شخصن وون مہ چھ زانہ امی و تہ کن
 ژچتر، امی ساعتہ کور مہ اندازہ سہ گڑھ حائلہ اسن۔ ژلان ژلان
 اسہ ہے سہ چھتر تہ اتین اسہ من تھک کوڈومت۔ تہ کیا زہ حائلہ
 زانہ تہ چھ و وٹھن وزہ زمینس سیت اتھ ڈکھراوان۔ پادشاہ
 سلامت انتہ مہ آسنز زانہ نظرہ چھنہ گیتھر۔ نہ چھس بو ژور۔

پادشاہ یلہ یمن ترشون شہزادن ہند بیانہ بوڑان چھو۔ یہ چھو
 ہنر عقل وچھت حیران سپدان۔ دیان چھو ییم گڑھن پڑ پاٹھ بڑہ
 خانہ وادک اسن۔ فریادین چھو جواب کران تہ یمن چھو دیان از

چھو تو بہ ترشون میون سال۔ پادشاہ چھو پین پڑھ لازہ رٹان تہ
ہندہ خاطرہ چھو نفیس نفیس ضیافت تیار کرہ نادان۔ پانہ چھو لنگرس
نگران کران۔ یوت کال پین ضیافت بروٹھ کن وانا وان چھو۔ پانہ
چھو روزان دروازس نیبرہ کنہ ژورہ پاٹھ وچھنہ۔ خیال گوس۔ بو
وچھہ ہا یم کتھہ پاٹھ کھین بیہ کیاہ کتھہ کرن پانہ وان۔

ضیافت کھیوان کھیوان چھو اکھ شہزادہ ونان۔ پادشاہن اس
نفیس ضیافت تیار کرنا و مثر۔ اما پوز ہون ماز چھن رنہ نوومت۔

بیا کہ شہزادہ چھس ونان۔ ژوچن تہ چھو مردہ مازک مشک اوان
بیا کہ شہزادہ ووتھک مہ چھو فکرہ تران۔ یہ پادشاہ چھنہ پادشاہ
زادہ۔ یہ چھو وازہ کٹھ۔ پادشاہن یلہ ہنہرہ پیمہ کتھہ بوزہ اس
گوندن نار۔ ڈوپن کیاہ بوچھہ وازہ کٹھ۔ شرارت کھوتس۔ ڈوپن
اڑہ تہ ژھنکھ ترشونے مارتھ۔ سیتی پیوس ہیند گاٹھ جار یاد۔

ڈوپن گوڈہ چھو بہتر ہنہن کھن سرہ گی کرن۔ ای کران تہ
دور پوز لنگرس منز۔ رٹون وازہ۔ دیان چھس پوز پوز ون یہ کیوتھ

مازاوسوی رومنت۔ دازس تراپہ تھرہ۔ یہ چھس گل زہ گنڈتھ ونان
پادشاہم اصل کٹھ ماز چھو۔ فلان شخصس نش اونم یہ کٹھ۔ امی ساعہ

انہ نوون سو شخص تہ۔ پادشاہ چھو اس تہ پڑھان۔ پوز ون
اس کٹس کیاہ نقص اوسوی۔ نتہ مارتھ بو۔ اس شخصس تراپہ نٹھ

نٹھ۔ گل زہ گنڈتھ چھس ونان۔ پادشاہم بوونے پوز۔ ادہ ژہ

مارتم یا تھوتم۔ اس کٹس اس زکیونسی موج موثر۔ سیتی اس

ہونہ اکھ سنگس منز بچہ دممت۔ یہ تہ گوتمسی دودھ چوان یوت

کال بڈیو۔ پادشاہن زون۔ او تہ توے اوسمت چھو مازس ہون

ناٹن ہند مزہ۔ پتھہ پاٹھ انہ نوون سو گرپوس تہ میس نش اوٹ

اوس انہ امت۔ پادشاہ چھو اس تہ پڑھان۔ اس کیاہ اوسوی

مردہ مشک۔ گریٹس ژاولر زہ جان۔ یہ لوگ عرض کرنہ۔ پادشاہم

اس کاٹھ نقص اوسنہ۔ مگر اکھ کتھ چھہ مہ اوس یہ کنک ملکر اس

وومت۔ خبر چھاتمیوک کنہہ اثر ماچھس توومت۔ یہ بوڑھتھ گو

پادشاہس سچتہ یقین زہ شہزادن ہند ونن چھو پوز۔ زہ کتھہ یلہ

برابر آیس پانے زون زه ترمیم کتھ تہ آسہ پز۔ وون کتھ روزیس
 تاب! دوریو ماجہ نش۔ دیان چس مہ ون پوز میون مول کس
 چھو۔ موج چس ونان پوترہ پمہ کتھ کتھ چھاکھ کران۔ ترہ چھکھ
 پادشاہ زاده۔ چون مول اوس پادشاہ۔ یہ کتھ مانیس۔ دیان چس
 ہرگاہ پوز ونکھ تہ جان۔ ونکھ نے یامارتھ ترہ نتہ مارہ پنن پان۔
 پادشاہ بای یلہ سیٹھاہ مجبور چھ گڑھان۔ دیان چس پوترہ اودہ پوز
 پوزومی۔ مہ آسہ دوہے کورے تہ کورے زیوان۔ ای تہ گو پادشاہ
 سیٹھاہ ناگوار۔ پتہ دوپنم اگر بیہ تہ کورسی زایی بوژھنت مارکھ۔
 تقدیر نہ کارہ زایم امہ لٹہ تہ کورسی۔ وون کیاہ کرہ ما بو۔ مہ وون
 دایہ پنہ۔ قدرس اسس بو بچا وون۔ پادشاہ سنر وازہ بای تہ
 اس امی دوہنہ پیامتر۔ مس اوسک زامنت ترہ۔ دایہ کر کام۔
 میان کور وژن وازہ بایہ تہ ترہ ٹھونکھ مہ نش۔ پادشاہس کرکھ
 شیچہ زہ از چھومی نیچو زامنت۔
 پادشاہن یلہ یہ پوز، وون شہزادو چھنہ اپہ کتھ تہ

وونمت۔ بوچس پز پاٹھ وازہ کٹھ۔ ہنرہ عقلہ پیٹھ گو حیران۔ وون
 اگر وزیر شوین تہ پے ترہ۔ اوتہ وونن یمن۔ دوپنک از تام
 آسوہ میان پڑھ۔ وون چھوہ از کہ پیٹھ میان خاص مشر شہزاد
 بنیامی وون پادشاہ سند خاص الخاص۔ یمن چھ کام پادشاہس مشو
 دیون تہ دوس تہ راس راجھ کرن۔ پوتر شومی باریو گنڈ وار۔
 وارہ وارہ چھ پادشاہس پڑہ دوان۔

اکہ دوہہ رات کیوتھ چھو پادشاہ تہ پادشاہ بای محلہ خانس منز
 شوٹکھ آسان۔ بوڈ ہیو شہزادہ چھو شمشیراہ ہیٹھ یمن پڑہ دوان
 ای کران چھو یہ وچھان تالوہ پیٹھ بوڈاژ دہا اکھ وسان تہ ہیوے
 پادشاہ سندس پنگس کن اوان۔ شہزادن پتھوی یہ وچھ ام بج
 شمشیر تہ کرین اژدہس گنہ۔ گنہ کرکھ تھون ڈیر کرکھ پادشاہ بایہ
 ہندس پنگس تل۔ اژدہ ماران ماران آپہ خونہ چھکھ یمنہ بیچہ پادشاہ
 بایہ ہندس سینس۔ شہزادن یلہ یہ وچھ، دیان چھو وون کتھ پاٹھ
 وڈتھراوہ یہ خونہ چھکھ۔ تہ کی زہ اتھ سیت وڈتھراوہ ہس، مگر اتھ

لاگن چھو ناجائز۔ ام کر کام۔ ستھرہ موہ ہناہ کڈن چندہ منزہ ہے
 وچن شمشیرہ پتیس تہ امی سیت ہیشرن یمہ نمونہ چھکے صاف کرنہ۔
 پادشاہ باپ ہنرتن۔ یہ گیارہ سیت یکدم ہیشار۔ پتھومی آچھ مثرین
 اتہ وچن نئی شمشیرہ پتیس سینس پیٹھ۔ امس گیارہ، نوکر س
 چھ بدنیت گیشتر۔ ام چھو ظاہراہ پادشاہ مارٹھ ژھونمت تہ وون
 چھو میوان مہ مارن۔ یہ چھ پادشاہس ژمچر میوان۔ پادشاہ چھو
 ہیشار گڑھان تہ شہزادس چھو پیرہ موکلان۔ یہ چھو نیران تہ پادشا
 بامی چھ پادشاہس یہ سورومی حال ونان۔ آتھ منز چھو دویم شہزاد
 پیرہ دینہ اثران۔ اثر و نومی چھو پادشاہ امس سوال کران۔ دیان چھس

اگر کاٹھہ اسغس دغا کرہ تس کیاہ واتہ کرن۔ یہ شہزادہ چھس جواب
 دوان۔ پادشاہم اتس واتہ سرتن جداہ کرن۔ گھاسہ ڈر پور بھرن۔
 از شہر دور کرن، الاسرہ گی کرٹھ۔ پادشاہ چھس پڑھان۔ تہ کیاہ
 گوہ یہ شہزادہ چھس آتھ پیٹھ دلیل ونان۔ یہ شہزادہ تہ یلہ پیرہ دتھ
 موکلیو۔ وون چھو اثران نوکٹ ہیو۔ پادشاہ چھو امس تہ یہوے
 سوال کران۔ یہ شہزادہ تہ چھس اورہ یہوے جواب دوان تہ آتھ
 پیٹھ چھس دلیل بوزہ ناوان۔ گوڈنکس شہزادس چھ بیہ وار بھیران
 پادشاہ چھو امس تہ یہوے سوال کران۔ یہ تہ چھس جواب دوان
 تہ سرہ گی کرنس پیٹھ دلیل ونان۔ یہ تہوے دلیلہ چھو بر وٹھہ کن !

خوبہ سندھوں

سزاہ دینے برؤنٹھ سرہ گی کر نس پیٹھ چھو منز تویم ہیو شہزادہ
پادشاہ دلیل و نان۔ دیان چھس یہ اوس خواہ اکھ۔ پہوے
گو وقتکہ چکرہ سیت سیٹھاہ نادر کہیں تہ رودس نہ۔ صرف رودس
بندوق اکھ تہ بیہ ہون اکھ۔ وون چھو یہ پہوے بندوق تہ ہون
ہیتھ دوس شکارس گڑھان۔ ادہ یہ کیشہاہ بنان چھس تہ
پیٹھ چھو گزارہ کران۔ بیاکھ اکھ خواہ چھو دوسہ اکھ اہند یہ حال
وچھان۔ دیان چھو پزہ پاٹھ چھنہ یہ دنیاہ کینہ ہند۔ وچھس
خوبہ اوس تہ از کتھ پاٹھ چھو خاکس پیٹھ۔ آس چھو دس ترس
گڑھان۔ یہ چھو دیان بو کرہ ہا آس مدد۔ سوچان چھو مددے
کرس تہ کتھ پاٹھ۔ ای کران چھو گڑھان آس نش۔ دیان چھس
ہے ترہ چھو می یہ ہون۔ مہ چھو یہ سیٹھاہ خوش اوان۔ روپیہ رقمہ

برؤنٹھ کنہ تراوتھ چھس دیان یہ ہون کنتن مہ۔ ہومس چھنہ ترہ
اوان۔ دیان چھو مہ کتھ لکھ یہ ہون۔ روپیہ چھو رٹان تہ دوان
چھس رزہ ہمنہ گنڈتھ یہ ہون۔ آس دول خوبہ یلہ ہون ہیتھ
گڑھان چھو۔ میس چھو امی وقتہ قرضدار ووتلٹھ اوان۔ دیان چھس
ترہ کنتھن ہون روپیہ رتس تہ اسہ ہورنن پنن قرضہ۔ قرضدار چھ
آس سوروی رقم نوان تہ یہ چھو بیہ روزان چھنوی تہ چھنوی۔
کرہ کیاہ وون اٹلان چھو بیہ بندوق تہ کران شکار تہ کھیوان۔ کڈان
چھو پتھ پاٹھ دوا دوا۔

منزہ چھو کنتھ کالاہ گڑھان تہ ہومس آس وائس خوبہ
چھ رات کیوتھ ژور پھران۔ یہ کیشہاہ آسان چھس تہ چھس نوان۔
سورس پیٹھ چھس ہناوتھ تھوان۔ جس یلہ وچھان چھو ژور و
کشن نم تہ تھومت سیٹھاہ چھو پچھاوان۔ آس ہومس کن چھو ونا
ہتا ہونہ ٹٹوی کرزہ ہے۔ دیوہ بوہ شیار گڑھان تہ ژور پھرہ ہنم
ہون چھس اورہ آسہ سیت دانش لمان تہ ہور تام ٹاک کڈان۔

بیہ اوان واپس تہ بیہ دانش لمان۔ خوبس چھنہ کنہہ تہ فکرہ تران۔
 یہ چھو دیان دراصل توڑ مہ ہوس خوبس شکس۔ اتین چھ واریا ہ
 سمیت۔ یم چھ خوبس ونان۔ ہے ہوس چھوی ظاہراہ پتاہ یہ چھوی
 دانش لمان۔ ظاہراہ چھوی دیان مہ پتہ پتہ یکہ۔ خوبس چھو دیان تلا
 وچہ ہا تو تہ۔ یہ چھو ہوس پتہ پتہ پکان۔ ہون چھو برونتھ برونتھ
 دوران۔ پکان پکان یوت کال و اتان چھ جنگس منز۔ جنگس منز
 و اتت چھو ہون اکس جابہ پنچو سیت تھان تہ خوبس دانش لمان
 خوبس چھو وون پانہ اتھ جابہ کھنن ہونان۔ کھنان کھنان چھو۔ اتہ
 چھو نیران خوبس ساری سن۔ اتھ سیت چھو نیران بیہ بے شمار
 دولت، یوسہ ژور و اتین دباوتھ چھو تھوثر آسان۔ خوبس چھو ساری
 تھپ تھنان۔ دیان چھو یہ تہ چھو میونومی۔ سوروی مال و دولت
 چھو گھرہ انان۔ وون چھو بنان یہ برونتھہ نوتہ ذہ گن امیر۔
 وون چھو آس خوبس خیال پوان زہ یہ ہون چھو بڑہ قیمت۔
 دیان چھو پڑ پانٹہ دلوت نہ مہ ہوس خوبس آسند پورہ قیمت۔ یہ چھو

امی ساعتہ روپیہ قس اکس ہونڈ لیکھان۔ ہونس چھو گردنہ منز نال
 تراوان تہ کران چھس ہوس خوبس سند گھرہ کن روانہ۔ ہوپار چھو
 ہونشکس لد خوبس شکارہ پیٹھ واپس اوان آسان۔ گھرہ نزدیک
 و اتت یلہ وچھان چھو پنن ہون دوران اوان۔ خیال چھس گڑھان
 شاید چھو یہ ناکس نشہ ژلت آمت۔ وون کیاہ کرہ۔ سو ایم پتہ
 تہ ہمیم آسند قیمت واپس۔ آس چھنہ سون وون کنہہ تہ اوان بوز
 دوری چھو یہ آس بندوق سیز راوان تہ ماران۔ دیان بلاے ژھونس
 مہ تہ کس رٹہ۔ سیتی چھس شک گڑھان۔ دیان چھو خبرے ماگو
 برونتھ۔ یہ ما آسہ ہے بیس کینسہ ہند ہون تہ مہ ژھون مار تھ۔
 نزدیک پتہ یلہ وچھان چھو یہ پننومی ہون، اتہ چھو وچھان آس
 گردنہ گنڈ تھ ہمیم خوبس آسان روپیہ قس ہونڈ تھوثر۔ یہ چھو
 وون اتھ ژاپان۔ دیان مہ کیاہ کور یہ۔ وچھنہ کرنے ژھن مہ پتہ ہون
 مار تھ یہ دلیل موکلا و تھ چھو پادشاہس ونان۔ پادشاہم! ہر گاہ یہ خوب
 گوڈہ سرہ کی کرہ ہے ہون ماگڑھ ہے مارہ۔

پادشاه سُد طوطه

سره گی کرش پیٹھ چھو کوکٹ میو شہزادہ پادشاہس یہ دلیل
 ونان۔ دیان چس یہ اوس پادشاہ اکھ۔ اسی اوس کتھ کر ون
 طوطہ۔ دوا اکھ چھو بنان۔ یہ طوطہ چھو چس منز دارہ پیٹھ الوند تیر
 کن چھ طوطہ کھیتا اکھ اسمان وڈان۔ یہ طوطہ پتھوی مین کن وچھان
 چھو اوس چھو ووش ترلان نیرتھ۔ پادشاہ یلہ یہ وچھان چھو یہ چھو طوطہ
 پرتھان۔ اے طوطہ ووش کیازہ تر ووتھ۔ طوطہ چس دیان آدہ کیاہ
 تراوہ ناووش۔ وچھت میان بھای کتھ پاٹھ چھ خوش تہ خوشحال ساس
 گزھان۔ بوتے پھند پاٹھ آزاد آسہ با بوتہ گزھتھ ساس۔ پادشاہس
 چھو طوطہ سنزہ کتھ سیت اثر گزھان۔ دیان چس۔ اے طوطہ ہر گاہ بو
 ساس گزھنہ خاطرہ آزاد کرتھ مہ کیوتھ کیاہ انکھ تورہ۔ بیہ کر مہ سیت
 وعدہ سال کھیتھ کیاہ یکھ واپس۔ طوطہ چس وعدہ کران۔ دیان چس

پادشاہس کتھ یہ ڈال شو بہ ترانہ۔ پادشاہ چھو طوطہ آزاد کران۔
 طوطہ چھو وڈو کران تہ ترلان۔
 طوطن ہندس پادشاہس چھو خاندرا سان۔ اتہ چھ دنیا کٹ طوطہ
 امت آسان۔ یہ کتھ کر ون طوطہ تہ چھو پٹین بھاین منز واران۔
 اتہ یلہ سال کھیتھ موکھان چھو پٹین وعدہ چھو برابر کران تہ اوان
 پنس آغس نش۔ پادشاہس بروٹھ کن یلہ اوان چھو پادشاہ چس
 پرتھان۔ اے طوطہ ترے سال کھیتھ اکھ مہ کتھ کیاہ ڈال آنٹھ۔
 طوطہ چھو تونہ منزہ کوکٹ آچھ ہناہ کڈان تہ تراوان پادشاہس
 بروٹھ کن۔ پادشاہ چس دیان۔ اے طوطہ یہ کیاہ چھت ترہ اونٹ۔
 مہ اس راے کنہہ خاص ڈالی انکھ۔ طوطہ ووتھس۔ میانہ آغہ بو کیاہ
 خر گر چھس بوڈ بوراہ انہ ہانکھس لکھتھ۔ یہ میو کم تہ اونم۔ پادشاہ
 چس دیان کرہ کیاہ بویتھ آچھ۔ طوطہ ووتھس۔ میانہ آغہ! یہ انٹ
 گزھ وودہ ناون۔ اتھ کھس کل۔ گرس منز گزھس سردی واناون
 تہ سردی منز گرمی۔ یوت کال کل بوڈ گزھتھ تہ پتہ پتہ اتھ میوہ۔ آدہ

یس اکھاہ سو میوہ کھینے، اگر مہتہ و ہر اسہ ستہ و ہر بنہ۔ یہ پادشاہ اوس
 پانہ واریاہ وینسہ آمت۔ ام دپ او تہ امہ نوتہ کیاہ گوڑھ مہ
 اسن۔ امی ساعتہ ووناون یہ انٹ پنس باغس منز۔ پورہ حفاظت
 تھون اتھ۔ دوه دوه گوگرھان تہ یہ کل گوڈان۔ باغوان چھو اکہ دوه
 پادشاہس خبر کران زہ کلس چھو میوہ پیومت۔ پادشاہ چھو بوزتھ بڈہ
 خوش سپان۔ یہ چھو پنس وزیرس سیت تلان تہ گرھان باغس منز
 امہ کلکوک میوہ کھینہ۔ پادشاہس بر و نٹھ بر و نٹھ چھو ہون آسان۔
 یلہ باغس منز اتھ کلس نزدیک و اتان چھ، اتین چھو آسان امہ کلکوک
 اکہ میوہ پتھر پیومت۔ پادشاہ سند ہون چھو دوران دوران گرھان
 تہ ہوان یہ میوہ کھون۔ پتھوی یہ کھون چھو ہوان، یہ چھو آتی مرگھ
 گرھان۔

پادشاہ یلہ ہون سند حال وچھان چھو، آمس چھو یکدم خشم
 کھان۔ وزیرس کن چھو وناں۔ دراصل چھو طولہ دعا باز۔ آمس چھو
 میون مند۔ توے کھیا وناوہ ہے مہ یہ زہر میوہ۔ امی ساعتہ چھو واپس

ادان تہ طوطس چھو کار وٹھان۔ طوطہ چھو مران۔ پادشاہ چھو حکم دوران
 یہ زہر کل تہ گرھہ مولہ پرائنہ پن۔ وزیر چھس دیان۔ پادشاہم اکل کیاہ
 کوراسہ۔ استن زہر کل تہ باغس منز، خبر چھا بکار مالکہ کنہ ساعتہ۔ پادشاہ
 چھو وزیرہ سند مشورہ مانان تہ کل چھو باغس منز موجود روزان۔ مگر کانہ
 چھنہ بہران اتھ سیت اتھ لاگنس۔ ادہ کھپہ ہے کانہ امیوک میوہ!
 دوا دوا چھو گرھان۔ اتہ چھو آسان بڈاہ اکہ تہ بیہ تہتر بڈ
 زنانہ روزان۔ بڈہ چھو آسان وائے آمت۔ یہ چھنہ ہیکان زینت
 جکھت کنہہ تہ۔ یہ بڈ زنانہ چھو آمس صبحس تہ شامس لڑایہ لاگان۔
 فلان چیز چھوی نہ فستان چیز چھوی۔ دوی دوی یلہ یہ بڈہ تنگ
 چھو ادان، اکہ دویہ آو آمس جانہ منس پیٹھ۔ دویں بلای تھونس
 وون چھو پتھر زندہ روزنہ نوتہ مرئی بہتر۔ بچہ چھو وناں بہہ وون
 رتی۔ بوکھنہ زہر۔ یہ و نٹھ چھو دوران پادشاہ سندس باغس کن۔
 دیان چھو اتہ چھو زہر کل۔ امہ کوی میوہ کھینہ تہ مرہ۔ بڈہ چھو گرھان
 تہ بڈ چھ پان ماران آمس پتہ دوران۔

بڈہ پتھوی باغس منز و ات امہ کلیوک میوہ چھو کھیوان، یہ چھو
 گڑھان لوکٹ جوان تیار۔ اُمس چھو نوویاؤن لگان۔ یہ چھو پانس
 پیرہ بون نظراہ کران تہ و وٹ تلان ہیوان بیہ گھرہ کن گڑھن۔ یہ چھو
 بانغ منزہ نیران تہ اورہ چھو انہز بڈ پان ماران اوان۔ بڈیلہ اُمس جوان
 نیران چھو وچھان، پڑھان چھس۔ ہتا گوبرا تہ ما و پھتن اتہ میون
 بڈہ۔ یہ چھس دیان۔ تہ مے چھے و تھ راو مٹر۔ سوہے چھس بوی۔
 مہے کھیو امہ کلیوک میوہ تہ بوگوس لوکٹ۔ بڈ چھ اُمس گوڈہ
 وہ و مو کران۔ دیان چھس۔ کیاہ بنیوی بچہ ماجہ چھک ٹھٹھ کران
 یہ چھس یورہ قسم ہاوان۔ دیان چھس۔ وولہ کچھ تہ تہ کھیہ سو میوہ
 وچھتہ تہ تہ کتھہ پاٹھ گڑھک لوکٹ۔ بڈ تہ یلہ یہ میوہ کھیوان چھہ یہ

تہ چھ گڑھان لوکٹ کور تیار۔ اتہ چھ ژوپار خبر گڑھان۔ ہیا بڈہ
 تہ بڈہ ماگے زہر کلیوک میوہ کھینہ سیت جوان۔ پادشاہ تہ چھو بوزان
 بوز تھ چھو حیران سپدان۔ انان چھو پین دوشون باژن رٹ۔
 پڑھان چھک سوروی حال۔ وارہ پاٹھ یلہ پڑھ پٹھس، کھیوان
 چھو پانہ تہ یہ میوہ۔ کھیوان کھیوانی چھو یہ تہ جوان گڑھان۔ دیان
 چھو اما یہ کیاہ! ہون کیا زہ مولو وادہ تہ دوہہ امہ سیت۔ صاحب
 دوستاد چھو ونان۔ تہ دوہہ لیس میوہ پتھراوس پیومت تھہ اُس
 شہارن لال تر او مٹر۔ توے موکھہ موڈ سوہون۔ وون چھو پادشاہ
 گل موران نہ مہ کیاہ کور طوطہ ژھونم بے گناہ مار تھ۔ شہزادہ چھو ونا
 پادشاہس۔ ہر گاہ سو گوڈہ سرہ کی کرہ مے طوطہ مامرہ مے!

پادشاه تہ پیر

بود میوشه زاده تہ چس و نان سره گی پیٹھی پادشاہس تہ پیر
 ستر دلیل۔ دیان چس۔ یہ اوس پادشاہ اکہ۔ پھوسے در او دوسہ اکہ
 شکارس۔ واریاہ فوجہ شکر نوکر چاکر چس سیت۔ شکار کران کران
 گو پادشاہ جنگلس منز واریاہ بر وٹھ نیرتھ۔ شکارس چھو پتہ دوران۔
 تہ شکار چھو بر وٹھ کن ژلان۔ دوران دوران چھو پادشاہ تھکان تہ
 سخت تریش چس لگان۔ دچھن کھوور چھو وچھان مگر دریاویاناگ
 چھنہ کنہ آسان۔ تریشہ دادہ چس زیو پھٹت نیران۔ ای کران چھو
 وچھان پلہ اکہ پیٹھ آبہ قطراہ قطراہ وسان۔ ام کوڈ چندہ منزہ یکم
 پیالہ تہ تھون اتھ تلہ کنہ۔ اکہ اکھ قطرہ چھو اتھ پیالس منز وسان
 یوت کال پیالہ بھر تھ میوتن یں۔ اس پادشاہس اوس پنن پیر
 سیت۔ پیرن پتھوی وچھ پادشاہ ہیہ وون یہ آبہ پیالہ حیون ام

کور وڈو تہ کنی پرہ ژنجہ سیت دتن یہ پیالہ دتہ دارتھ۔ پادشاہس
 کوتاہ شرارتھ کھوت، تریشہ دادہ اوس میور ہو کھمت۔ پیرس
 میو کن نہ کنہہ کرتھ۔ بیہ تھون اتھ آبہ قطرس تل پیالہ لاگتھ۔ بتیا
 چھو یہ گوڑھ ول ول بھر تھ یں۔ پتھوی پیالہ بھر تھ او، پادشاہ
 تلہ ہیہ وون، پیرن دیوت یہ بیہ دارتھ۔ پادشاہ گو وارے خشنک
 مگر پیر اوس سیٹھاہ ٹوٹھ۔ کنہہ میو کنس نہ کرتھ۔ تریمہ لٹہ تہ یلہ
 پیرن پیالہ تر او تھ ژھن، پادشاہس رودنہ کنہہ تہ آب و تاب۔ یکم
 روٹن پیر تہ ژھن مار تھ۔ دوپن دراصل چھو یہ میون دشمن۔ یہ ژھنہ
 مہ تریشہ تریشہ کران مار تھ۔

اتھ منز چھ پادشاہ سند نوکر چاکر و اتان۔ یم چھ پادشاہس
 خشمہ ہوت وچھان۔ پڑتھان یلہ چس پادشاہ چھک پیرہ سند
 سوروی قصہ و نان۔ سیتی چھو پادشاہ تریشہ تریشہ کران۔ نوکر چس
 دیان۔ بہتر چھو اس انوتی آب ستین یہ آبہ قطرگ اگر چھو۔ نوکر
 چھ امی پلہ سیوڈ اگر ژھانڈنہ گڑھان۔ اتہ کیاہ چھ وچھان۔ اتھ پلس

میرہ کنہ بُوڈ شہمارا اکھ تاپ دوان۔ اسی اُس کن لال پڑڈان تہ
 بہوے قطرہ قطرہ امہ پلہ پیٹھہ وسان۔ پیم چھ کئی دورہ اوان تہ ونان
 پادشاہس۔ دیان چھس۔ "محمد کر توتہ پھت نہ چویمت یہ آب۔ تہ کیارہ
 یہ اوسوی زہرہ قاتل شہمارہ سنز لال۔ پادشاہ یلہ یہ بوزان چھو، یہ
 چھو اتھن ترپ ہیوان۔ دیان مہ کیاہ کور یہ پیز ژھونم مارٹھ۔ شہزادہ
 چھو ونان پادشاہس۔ ہرگاہ یہ گوڈہ سرہ گی کرہ ہے، پیز ماگڑھ ہے
 مارہ بے گناہ !

ترشون شہزادہ ہنزہ مثالہ بوزتھ چھو پادشاہ آس پڑھان
 آدہ ونتم ژہ کیارہ اوسک پادشاہ باپ ہندس سیس پیٹھہ نئی شمشیر
 تھوت۔ شہزادہ چھس دیان۔ پادشاہم اثرہ دہ گوڈہ پلنگس تل کن نظر۔
 آدہ پڑتھ مہ۔ پادشاہ یلہ وچھان چھو پلنگس تل شہمار گنہ کرتھ۔ آس
 چھ کئی کرکھ نیرتھ ژلان۔ سوروی حال بوزتھ چھو مین ترشون شہزادہ

ہنزہ دانائی پیٹھہ سیٹھاہ خوش سپدان۔ آس پادشاہس چھ آسان ترپہ
 کورہ۔ یہ چھو مین ترشون کورین ترین سیت خاندکران سیٹھاہ دھم
 دھام چھو کران۔ بڈین بڈین پادشاہن، امیرن تہ وزیرن چھو سال
 کران۔ آتھ منز چھو مین ترین شہزادہ ہند مول تہ سالہ اوان۔ یلہ
 یہ ہراڈن وچھان چھو، یہ چھو پینین نیچوین پوزہ ناوان۔ وچھت چھو
 اسمانہ پیوان۔ نالہ متہ چھک رٹان۔ اتہ چھ ساری حیران گڑھان یہ کیا
 دلیل چھ۔ شہزادہ یلہ ماس پنس پنس سوروی سفر چھ ونان۔ آس چھ
 ژرہ تہ ژرہ بچن ہنزہ دلیل یاد پیوان۔ امی ساعتہ چھو گڑھان تہ ہنزہ
 دورہ ماجہ چھو مارٹھ ژھنان۔ پنس وفادار وزیرس پیٹھہ چھو سیٹھاہ
 خوش گڑھان۔ پانہ چھو ترشون شہزادہ خاندکران تہ نوشہ
 تارہ گھرہ انان۔ تنہ پیٹھہ چھو آرامہ سان دودہ کڈان تہ ژرہ تہ
 ژرہ بچن ہنزہ دلیل تھون کنس منز :

لالہ رخ مطبوعات

کوشش

- (۱) پوشہ تھریٹ (کاشیہ دلیلہ) قیمت ۲/-
 (۲) اسلامی ملک سامراجی چنگس منز ۲/-
 (۳) ہندوستان سیت کیا زہ الحاق ۲/-
 (۴) سان وٹھ ۲/-
 (۵) ہندوستان گیس آپس منز سون خاص مرتبہ ۲/-
 (۶) سمرن (کلیات ماسٹر زندہ کول بمعہ انگریزی ترجمہ) ۱/۱۲/-
 (۷) پوشہ تھریٹ (کاشیہ دلیلہ) ۲/-

زیر چاپ

- (۸) کیشیہ منز نیم دخل اندازی
 (۹) پاکستان تہ امریکہ معاہدہ
 (۱۰) کاشیہ مرثی
 (۱۱) کن کتھ (کاشیہ سٹیج ڈرامہ)
 اردو
 (۱۲) بہتے چراغ (مرحوم پروسی کے منتخب افسانے)





